

天順襄陽郡誌

天順襄陽郡誌

重刊襄陽郡誌卷第三

園池

襄陽縣



習家池即高陽池在峴山南舊記云習郁大魚池郁
依范蠡養魚池當中築一釣臺臨歿謂其兒曰必
葬我近魚池後山李倫鎮襄陽每臨池暢飲大醉
而歸按郁後封襄陽公即鑿齒之先也

白黿池在縣東北隅池中曾有兩白黿出曝故名
棗陽縣

石羊池在縣南三里詳見石羊石虎下

蓮花池在縣西南二十五里周圍六十畝內有蓮故
名

宜城縣

放生池在縣治南十里昔有道人放生于此故名

南漳縣

珍珠池在縣北三十里雙池內池水平時澄靜人於
傍蹴呼之則水湧跳如珠故名今亦然

房縣

湯池在縣東十里其水四時常溫澄瑩洞澈昔人構
屋於上為澡浴之所愈痼疾瘡癰之類

竹山縣

蓮花池二處一在縣北二里一在縣東三里霍頂山
上東岳廟前

井泉

襄陽縣

孝義井在縣南街因唐尹孝子居故坊與井皆名曰
孝義其泉美雖大旱泉汲不竭

韓公井韓朝宗為荊州刺史時襄有井飲者皆死朝
宗因移書喻神自是飲者無恙號曰韓公井

王祭井在萬山之東杜子美詩云吾家碑不美王氏
井依然又云應同王祭宅留井峴山前

白馬泉在縣南十里泉出白馬山故名

棗陽縣

義井在縣北七十里近井環數里民居皆飲其水故
名

汝泉在縣南八十里今謂之南泉

宜城縣

金沙泉在縣東人傳其水造酒甘美世謂宜城春又
名竹葉春今湮塞不知所在

珍珠泉在縣東七十里水入漢江

南泉在縣東九十里水入漢江

光化縣

溫水泉一名溫水河在縣南五里太和鄉堡子社內
脉出馬窟故老相傳舊有一泉其水溫煖今已湮
塞惟河尚流入漢江

鄖縣

白水泉在縣西北一百二十里

陂堰

襄陽縣

固城陂在縣西北三十里

千工堰在縣南四十里

大羅堰在縣南五十里

大栗陂堰在縣東北九十里

破陂堰在縣北八十里

棗陽縣

馬陂在縣東南六十里

蒿陂在縣南六十里

蘆家陂在縣東北

蓮花陂在縣北四十里

盧陂在縣北六十里

宜城縣

任子陂在縣西北二十里

倒灌陂在縣西南二十里

糠陂在縣南二十里

朱家塋在縣漢江東二十里

潑陂在縣西北三十里

賀家塋在縣南七十里

赤岡陂在縣南三十里

石塋在縣漢江東一十里

長渠在縣西北四十里其源出自南漳縣東秦漢以來
為溝渠灌田甚多民獲其利其後湮塞洪武八年

襄陽衛五所屯種今呼武安堰

魚陂在縣西五十里

南漳縣

武安堰在縣東六十里今不存

爲渠堰在縣南六十里

河南堰在縣南五十里

上板堰在縣北三十里

觀堰在縣東二十里

九渠堰在縣南九十里

西泉堰在縣東六十里

靈溪堰在縣東五十里

梅溪堰在縣南二十里

清涼堰在縣西三十里

下板堰在縣北二十里

明光堰在縣東二十里

重陽堰在縣西三百五十五里

長稍堰在縣北四十里

縣前堰在縣南一里

河北堰在縣北三十里

葛花堰在縣北三十里

橫堰在縣東二十五里

蒿柴堰在縣東一十里

東泉堰在縣東六十五里

穀城縣

白石河堰在縣南四十里

黃土河堰在縣西二十里

小堰在縣北七十里

光化縣

馬蹤堰在縣西三十里

鐵鎖堰在縣東南三十里

馮家堰在縣北十里

石甫陂在縣東三十里

白羊堰在縣東南八里

陸股泉堰在縣西北四十里

房縣

澈澣堰在縣南一十里

高視堰在縣北三十里

馬欄堰在縣北一十五里

東坊堰在縣西三十里

竹山縣

高峯堰在縣西八里

進峪堰在縣西一百九十里

架檢堰在縣西七里

鄖縣

盛水堰在縣北五里

武陽堰在縣西北二十里

景物

襄陽縣

擦擦石在縣西南十里檀溪之上楚山之麓其石斜

立而甚滑舊俗每遇寒食士女遊嬉其上故坐石
顛從高流下如瓦走丸勢不可止以為劇戲故名
棗陽縣

石羊石在縣南三里其狀如羊臥於池洲上
石甓石在縣北八里其狀如甓臥於高岡上

南漳縣碗水在縣西二百里歇馬廟傍石上有坎僅容水
一碗取之不竭故名

三股松在縣北三十里雙池寺前唐時見影帝庭勅
賜金牌元末被盜竊取易以鐵牌其松一股枯死
人皆異之鐵牌今亦不存

均州

杜栢樹舊在州治前圖經云南陽武當南門有杜栢

樹大四十圍梁蕭欣為守伐之忽有一蛇從樹腹
中出群蛇隨入南山其聲如風雨

名宦

本府

漢

將臣

劉表字景昇山陽高平人曾共王之後授荊州刺史
以兵阻不得至鎮乃單騎入宜城時張廌等據襄
陽表使龐季往辟之乃降遂理兵襄陽以觀時變
愛民養士從容自保後疽發背而卒

關羽字雲長河南解州人也好讀左氏傳事先主授
襄陽太守盪寇將軍駐兵江北攻曹仁于禁于樊

城仁禁皆降遂威振華夏

晉

文職

羊祜字叔子泰山南城人博學能文又善談論仕晉為荊州都督諸軍事鎮襄陽綏懷遠邇甚得江漢人心卒謚曰成追贈侍中大傅南州人聞其喪而號慟羅市吳守邊將士亦為之泣後追封鉅平侯襄陽百姓為之立碑於峴山之首歲時享祭過而望其碑者莫不流涕杜預名之曰墮淚碑

杜預字元愷京兆杜陵人博學善謀仕晉拜鎮南大將軍都督荊州諸軍事鎮襄陽江漢懷德興水利公私賴之謚曰杜父嘗自慮功業久而易泯乃刻

二石一立於城南峴山之上一沉於萬山之下潭
水中以永其傳至今呼為沉碑潭卒贈征南大將
軍開府儀同三司謚曰成

將臣

陶侃字士衡鄱陽人性聰敏動於吏職恭而近禮仕
晉為南蠻長史鎮襄陽以功遷都督荆雍益梁諸
軍事楚郢士夫女子莫不相慶官至大將軍卒贈
大司馬謚曰桓

劉弘字和季沛人也仕晉任都督荆襄諸軍事專督
江漢威行南服卒于襄陽士夫女子嗟痛若喪所
親追贈新城郡公謚曰元

山簡字季倫河內懷縣人濤之子也性溫雅能文仕

晉為征南將軍都督荆襄交廣四州軍事鎮襄陽
每出遊多之習氏園池因名其池曰高陽池

甘卓字季忠丹陽人仕晉為梁州刺史督沔北諸軍
鎮襄陽為政簡惠善於撫綏大寧中卒贈驃騎將
軍謚曰敬

廖翼字稚恭廖亮之弟丰儀秀偉仕晉為荊州刺史
代亮鎮武昌戎政嚴明經畧深遠後鎮襄陽卒贈
車騎將軍

桓冲字幼子有武幹仕晉都督荊州等七郡鎮襄陽
卒贈太尉喪下江陵士女老幼皆臨江號泣

桓宣譙國鉅人也仕晉為監沔中軍士時石勒以郭
敬戌襄陽陶侃使子斌與宣攻樊城克之使宣鎮